

- Credere, eo quod esset uxor eius sterilis,
 Ipse quoque processisset in diebus plurimis;
 Propter incredulitatem cicius obmutuit,
 195 Donec illi uxor sua filium progeniuit.
 Cum Iohannes natus esset, patri linguam reddidit
 Et sterilitatem sue genitricis abstulit.
 Circumcisionis enim imminente termino,
 f. 2^v. Cum recenter nato nomen aptaretur puero
 200 Mutus factus pater eius, ex quo vidit angelum,
 Mox Iohannem clara voce nominavit filium,
 Et aperto (ore coram) cunctis ammirantibus
 Prophetavit Zacharias: 'Benedictus Dominus'.
 Hic nativitatis sue die quadragesimo
 205 Presentatus est a matre et Ioseph nutricio
 Filius eterni patris et Marie virginis
 Secundum preceptum legis, expers tamen criminis,
 Cum duobus columbarum pullis vel turturibus;
 Quem senex recepit iustus Simeon in manibus,
 210 Qui dum cognovisset eum esse regem glorie,
 Quem prestolabatur longo fatigatus tempore
 Exclamavit: 'Nunc dimittis servum tuum, (Domine)'.
 Cum XII annos natus factus esset Dominus,
 Ad templum de Galilea venit cum parentibus.
 215 Cum vero parentes eius redirent ad propria,
 In Ierusalem remansit puer matre nescia;
 Estimabat autem eum esse secum in via.
 Cum absentem sciret eum, rediit Ierusalem
 Tristis et Ioseph cum ea, conquidentes invicem,
 220 Et in templo residentem invenerunt puerum
 Inter doctos audientem verba sapientium
 Et interrogantem eos; et ait ad filium:
 'Fili, quid fecisti nobis? Ecce querebamus te,
 Ego et Ioseph dolentes!' 'Ecquid querebatis me?'
 225 Nam in his, que patris mei sunt, oportet esse me!
 Baptizatus a Iohanne ieiunavit Dominus
 In deserto quadraginta diebus ac noctibus.
 Tunc inter temptationes factas per diabolum
 Ab eodem (super) templi situs est pinnaculum,
 230 Qui dixit: 'Si (tu) es Christus, te depone deorsum
 Angelis enim mandavit de te Deus omnium

192 hinter 'quod' ist '&' getilgt Hs. 198 'imminente' Hs. V. 199—207 zum Theil schwer lesbar. 202 'Et et' Hs. Lücke durch Brandfleck. V. 208. 209 stehen in der Hs. in umgekehrter Reihenfolge. 209 'duabus' verb. Hs. 210 'cognouisse' (?) Hs. 211 'prolabatur' Hs. 212 für 'Domine' nur 'd' über dem Ende der Zeile Hs. 224 'et quid' Hs. 229 'super' verrieben Hs. 230 'tu' fehlt Hs. (möglich wäre auch eine Ergänzung von 'hinc' hinter 'te').